

¡BOMBA!

Que vienen días muy feos
al suelo peninsular;
ahora el sol nos va a quemar
entre muelles y bloques



K'untzil

Jueves 24 de abril de 2025

CAMPECHE · YUCATÁN · QUINTANA ROO · AÑO 10 · NÚMERO 2464 · www.lajornadamaya.mx

Táan u yúuchul meyaj ti'al u chíimpolta'al máasewal diseñadoras beetik nook'o'ob



Ángel Vargas / P 18
Oochel jusaeri

Ka'alikil Maríae', juntúul rarámuri xchuuy, ku kaxtik bix u ts'o'oksik jump'éeel u nook'il napácha (blusa) ti'al u konik tu tojol taak'in ma' táan u chuk ti'al u kuxtal mix jump'éeel winale', tu noj kaajil Nueva Yorke', Nikki Cashine' ku konik jump'éeel nook' láayli' jach je'ex u meyaj Maríae', ba'ale' le te'elo' ku tojoltik 750 dólares (jump'iit maanal ti' 15 mil pesos).

U jela'anil le nook'a', ma' chéen u tojol, tumen estadounidenseil diseñadora' ku ka'aba'antik nook' beey vestido zigzag. Mix juntéen ku ch'aachibtik María mix xan u kaajali'; beey u yúuchul ba'al ti' jump'éeel lu'um tu'ux ku yokolta'al u ba'alumbáaj máasewal kaajo'ob ti'al u ko'onol chéen beyo'.

U jaajile', jump'éeel extractivista ba'al mina'an u xuul. Le ja'ab máaniko', Louis Vuitton, francesa mola'ay káaj

u meyaj siglo XIX, tu ts'áaj k'ajóoltbil ichil u colección Resort, u yoochel nook'o'ob suuk u beeta'al ti' jump'éeel kaaj Rumania. Kex tumen yanchaj péeksajilo'ob ti'al ma' u ko'onol nooke', mola'aye' ma' ya'alaj tu'ux tu ch'aaj u yoocheli', mix xan tu k'a'ataj ka sa'atbesa'ak u si'ipili'.

"Ma' xan tu ya'alaj mix ba'ali', chéen beey úuchik u p'atik ba'al", tu ya'alaj Olivia Mezae', máax ku meyaj tu múuch'kabil NGO Impacto.

Múuch'kabile' jeets'el tu kaajil San Cristóbal de las Casas, Chiapas, ts'o'oke' ichil u meyaj' ts'o'ok u bin u much'láantik tu kúuchil Viernes tradicional, ichil u ja'abil 2012 tak 2025e', ts'o'ok u yantal kex 31 u péel marcas wa diseñadores ti' uláak' lu'umo'obe', u yokoltmajo'ob diseños, chíikulalo'ob wa nook'o'ob suuk u meyajta'al tumen

máasewal miatsilo'ob tu lu'umil México. Tak walkila' ts'o'ok u much'ik 41 u péel casos tu'ux ku yúuchul le ku ka'aba'tik apropiación cultural indebida, je'el bix u ya'alik ONG.

Francesa mola'ayo'ob Christian Dior, Louis Vuitton yéetel Isabel Marant; estadounidenseilo'ob Carolina Herrera, Ralph Laurent, Nike, J. Marie Collections yéetel Madewell; china Shein, yéetel españailo'ob Mango, Desigual, Intropia yéetel Zarae' uláak' t'aakano'ob ichil le u yokoltmajo'ob wa ba'ax ti' máasewal kaajo'ob.

Ti' le je'elo'obo', J. Marie Collections yéetel Zarae' leti'e' maas suuk u beetiko'obo', kex kantéen u beetmajo'ob; u ts'o'okbalake' úuch le ja'ab máaniko'. Beyxan yaan uláak' mola'ayo'ob

je'el bix francesail Hermès yéetel estadounidenseil Levi's.

Tu noj lu'umil Méxicoe' yaan xan uláak'o'ob, je'el bix diseñadora Pineda Covalin, tumen tu ja'abil 2014e' tu yokoltaj u diseñosil Tenango de Doria, Hidalgo, ti' bolsas; yanchaj uláak' juntúul diseñadora ti' u kaajil Oaxaca, máax ku múul meyaj yéetel estadounidenseil mola'ay Etia.

Beyxan Olivia Mezae' tu ya'alaj tak walkila', tu noj lu'umil Méxicoe' yaan tak poolo'ob yóok'olal apropiación cultural indebida ba'ale' mix jump'éeel judiciali', ba'ale' u kúuchil comunicación social ti' u mola'ayil Secretaría de Cultura federale' (SC) tu ya'alaj ka'ap'él le tak pool táan u ts'aatáanta'al walkila', ba'ale' ma' béeychaj u tsikbalta'al uláak' ba'alo'ob yóok'olali'.